

Lipoti o Fuafuaga Faatino Taula'i 2025

O Fuafuaga Faatino Taula'i (TAPs) o se vaega lea o Le Fuafuaga mo i Latou e iai Aafiaga Tumau i le Soifua a Ausetalia 2021-2031 (le fuafuaga). O ni fuafuaga ia ua faia e malo uma e fa'aleleia ai le soifuaga o tagata e iai aafiaga tumau i le soifua. O le seti lona lua o TAPs na amata ia Ianuari 2025.

O TAP e tolu o le:

- **Amioga a Afioaga** – Suiga o amioga ma mafaufauga o tagata e uiga i aafiaga tumau o le soifua.
- **Aiga ma Afioaga e Talia Tagata uma** – Faafaigofie le ulufale ma le taliaina i fale ma nofoaga faitele.
- **Saogalemu, Aia Tatau ma le Amiotonu** – la mautinoa le saogalemu ma fai ma le tonu tagata e iai aafiaga tumau i le soifua.

O a mea i totonu o le TAPs?

- **Faatinoga a le Atunuu:** O malo uma o le a faia nisi o mea i le auala tutusa i totonu o Ausetalia.
- **Gaioiga a le Setete ma le Teritori:** Na faaopoopo e setete ma teritori ta'itasi ni gaioiga faaopoopo e tusa ai ma mana'oga o le lotoifale.

Tulaga alualu agai luma o le lipotiina:

Na faia e malo uma se tautoga e faasalalau lipoti i le auala o loo faatino ai a latou gaioiga. O nei lipoti o le a:

- faamatala ai pe faapefea i tagata e iai aafiaga tumau i le soifua ma le faalapopotoga o tagata iai aafiaga tumau i le soifua ona auai
- fa'aali ai tulaga o aga'i iai le malo.

O le lipoti muamua e aofia ai masina e lima mai ia Fepuari 2025 se'ia o'o ia Iulai 2025, o lea e na'o faamatalaga tãua o loo faasoa atu ai. O lipoti i le lumana'i o le a tu'uina atu nisi auiliiliga ma o le a faamatala le tala e uiga i le auala o loo faatino ai gaioiga ma o latou i'uga.

O le ā e fai ai se Lipoti Lelei?

Na faapea mai le Fono Fauautua o le Fuafuaga e tatau i lipoti lelei ona:

- Aofia ai leo o tagata e iai aafiaga tumau i le soifua.
- Faamatala poo a mea o loo fua ma aisea.
- Fesoasoani i tagata ia malamalama i gaioiga.
- Faasoa fa'ata'ita'iga ma lesona a'oa'oina.
- Manino, faigofie ona faitau, ma aogā.

Fa'aaofia Tagata e iai Aafiaga Tumau i le Soifua i Mea e Fai:

O le a galulue malo ma tagata e iai aafiaga tumau i le soifua e ala i:

- Talanoaga
- Galulue Faatasi (fuafua faatasi)
- Vaega o loo galulue
- Faasoaina o mea feagai ai i le olaga

O nei gaioiga e tatau ona talafeagai, aoga ma tali atu i mana'oga.

Nisi Auala e Auai Ai:

Nisi auala e mafai ona auai ai tagata ma iai se manatu i auala e faatino ai gaioiga:

- O le Fonotaga mo le Fuafuaga i le 2026 o le a ofoina atu nisi avanoa mo tagata e iai aafiaga tumau o le soifua e mafai ai ona auai, ma o fonotaga ta'itasi o le a taula'i atu i vaega eseese o le alualu i luma o le Fuafuaga.
- O le Iloiloga Tuto'atasi mo le 2025–26 o le a aofia ai ni fono ma talanoaga e mafai ai e tagata e iai aafiaga tumau o le soifua, o aiga, tagata o tausia, ma le nu'u ona faailoa o latou manatu e uiga i le Fuafuaga. O tagata e iai aafiaga tumau o le soifua o le a fesoasoani i le filifilia o le tagata iloilo, ma o le a iai o latou sao t'ua i le Komiti Taiala o loo ta'ita'iina le iloiloga.

Uiga o le Mafaufau o le Nu'u i le Fuafuaga Faatino Taula'i

O lenei Fuafuaga Faatino Taula'i (TAPs) o se vaega lea o Le Fuafuaga mo i Latou e iai Aafiaga Tumau i le Soifua a Ausetalia 2021-2031 (le fuafuaga). O lona sini o le fesoasoani lea e suia le auala e mafaufau ai ma lagona ai e le komiuniti tagata e iai le aafiaga tumau i le soifua. O le sini o le mautinoa e tutusa le togafitia o tagata e iai aafiaga tumau i le soifua, e aofia ai i mea uma, ma e mafai ona auai atoatoa i le sosaiete.

O mea e mana'o lenei TAP e 'ausia

- Sili atu tagata e iai le aafiaga tumau i le soifua i tofiga ta'ita'i
- Ia malamalama ma faatauaina e le afaigaluega tomai ma sao a tagata e iai aafiaga tumau i le soifua
- Ia silafia e tagata faigaluega i galuega t'ua le auala e tali atu ai ma le agaga lelei i tagata e iai aafiaga tumau i le soifua
- Uiga lelei o le mafaufau a le nuu e lagolagoina ai sini o le Fuafuaga.

Manatunatu i Mea na Tututpu i Tagata Uma

O lenei TAP o le a vaai i auala e mafai ona aafia ai le olaga o se tagata i vaega eseese o mea e ono tutupu ai. E ta'ua lenei mea o le auala faafefiloi o faasinomaga. O nisi tagata e feagai ma le sili atu ma le tasi le ituaiga faailoga tagata:

- Tagata e iai aafiaga tumau o le soifua i nofoaga i tua ma mamao
- Tagata o Malo Muamua e iai Aafiaga tumau o le soifua
- Tagata e tupuga mai i aganu'u ma gagana eseese
- Tina ma tama'ita'i e iai aafiaga tumau o le soifua
- Tagata LGBTIQ+ e iai aafiaga tumau o le soifua
- Tupulaga talavou e iai aafiaga tumau i le soifua

Gaioiga a le Atunu'u – Uiga o Mafaufau o le Nuu

Tagata e iai aafiaga tumau i le soifua e ta'ita'iina lenei galuega. O le Malo o Ausetalia, faatasi ma malo o setete ma teritori, o le a galulue faatasi e faatino ma le manino ma le faamaopoopoina o gaioiga. O le Matagaluega o le Soifua Maloloina, Aafiaga Tumau o le Soifua, ma le Matutua o le a fesoasoani e faatino le Fuafuaga Faatino Taula'i (TAPs).

Sini: Tagata o le nuu e iai uiga lelei o le mafaufau e lagolagoina le tutusa, le aofia ai, ma le auai atoatoa a tagata e iai le aafiaga tumau i le soifua.

O le a e i totonu o le Fuafuaga?

O le Fuafuaga Faatino Taula'i mo Uiga o le Mafaufau a le Komuniti e aofia ai gaioiga e 6 a le atunu'u i lalo o sini autu e 4.

O malo uma o le a galulue fa'atasi mo le isi 3 tausaga e faatino nei gaioiga i se auala tutusa ma tumau. Ina ia faia lenei mea, o le a galulue faatasi malo i le:

- fa'asoaina lea o fuafuaga ma manatu
- a'oa'oga fa'apitoa i le va o setete/teritori ma le Malo o Ausetalia
- galulue ma tagata e iai aafiaga tumau i le soifua

O setete ma teritori ta'itasi o le a iai fo'i a latou lava auala e galulue fa'atasi ma tagata e iai aafiaga tumau i le soifua e fesoasoani i le faatinoina o gaioiga.

Gaioiga mo le auai faatasi a le atunu'u – galulue faatasi i le lautele o Ausetalia

O lo'o fuafuaina ma faatinoina nisi o gaioiga eseese e lagolago ai sini a le atunu'u. O nei gaioiga e fesoasoani e faatino aga'i luma ai gaioiga a le atunu'u.

Fesoasoani i Tagata e iai le Aafiaga Tumau i le Soifua e Galue i le Malo

O le Komisi a le Aufaigaluega a le Malo o Ausetalia (APSC) o lo'o fa'atinoina se poloketi e:

- Va'ai i le fa'atulaga o sini manino mo le fa'afaigaluegaina o tagata e iai aafiaga tumau i le soifua.
- Su'e auala fou e fesoasoani ai i tagata e iai aafiaga tumau i le soifua ia maua galuega i le malo.
- Fausia tulafono talafeagai mo suiga i le nofoaga faigaluega (pei o suiga e fesoasoani i se tagata e mafai ona faatino lana galuega).
- Fausia se 'tusi pasi mo suiga i le nofoaga faigaluega' e fesoasoani ai i tagata ia faigofie ona siitia i galuega eseese.

O lo'o aofia ai tagata faigaluega a le malo e iai aafiaga tumau i le soifua e ala i su'esu'ega, vaega o tagata faigaluega, ma vaega fa'apitoa o talanoaga. Na fausia fo'i e le APSC se Vaega Galulue fa'atasi ma setete ma teritori e fefa'asoa'i ai manatu lelei ma malilie i tulafono tutusa.

Ia Aofia Tagata uma i A'oa'oga

O lo'o galulue le Matagaluega o A'oa'oga fa'atasi ma Auaunaga i A'oa'oga a Ausetalia e:

- Ia mautinoa o le Student Wellbeing Hub e faigofie ona fa'aaoga ma e mautinoa lona fa'atuatua.
- Toe iloilo punaoa ina ia mautinoa e lagolagoina le aofia ai o tamaiti a'oga uma.

Teugape mo le Fa'aofiina ma le Avanoa (IAF)

Ua amata e le Matagaluega o le Soifua Maloloina, Tagata e iai Aafiaga Tumau i le Soifua ma Tagata Matutua se teugatupe fou e lagolago ai poloketi e faaitiitia ai le afaina, faateleina le aofia, ma faaleleia le olaga i aso uma mo tagata e iai aafiaga tumau i le soifua.

O poloketi e maua le fesoasoani tau teugatupe e tataua ona:

- Fa'aofi matafaioi ta'ita'i mo tagata e iai aafiaga tumau i le soifua
- Ia fausia ma faifaimea fa'atasi ma tagata e iai aafiaga tumau i le soifua
- Ia iai mo tagata uma, e aofia ai:
 - Tagata o Malo Muamua e iai Aafiaga tumau o le soifua

- Tagata mai aganu'u ma gagana eseese
- Tagata o lo'o nonofo i nofoaga mamao (pe a mafai).

Aoina o Fa'amaumauga e uiga i le Su'esu'ega o Manatu o le Nu'u i le Su'esu'ega (le Su'esu'ega)

O le Su'esu'ega o se su'esu'ega umi e aoina ai fa'amatalaga mai:

- Tagata i Ausetalia atoa
- Tagata e iai aafiaga tumau i le soifua
- Tagata e fa'afaigaluega tagata faigaluega
- Tagata o lo'o faigaluega i le vaega o a'oa'oga, soifua maloloina, auaunaga mo le nuu, ma le tulafono ma le fa'amasinoga.

O lenei Su'esu'ega e fesoasoani e mata'ituina le aga'i i luma o gaioiga i totonu o TAPs. O lipoti o le a fa'asoa i luga o le Hub a le Fuafuaga.

O le Vaega 2 o le Su'esu'ega e aofia ai fo'i su'esu'ega laiti e aoina ai fa'amaumauga e ala i vaega fa'atalanoaga. O su'esu'ega na fuafuaina ma le fesoasoani a tagata e iai aafiaga tumau i le soifua. E taula'i i le auala e feso'ota'i ai tagata e iai mana'oga fa'apitoa ma isi i vaega eseese ma totonu o le nuu lautele.

Na faia vaega o fa'atalanoaga mai ia Oketopa 2024 e o'o atu ia Mati 2025, ma o lo'o fuafua nisi mo vaega o Tagata Muamua i le fa'ai'uga o le 2025.

Vaega Autū i le Su'esu'ega:

- **Tagata talavou e iai aafiaga tumau i le soifua (16–24 tausaga le matutua)**
 - Ta'ita'ia e tagata talavou ma tagata su'esu'e i le vaega o aafiaga tumau i le soifua, e aofia ai i latou e iai aafiaga moni i le olaga
- **Tagata e iai aafiaga tumau i le soifua ma tagata mai talaaga eseese o aganu'u ma gagana (CALD)**
 - Na fesoasoani se vaega fa'atasi i le fuafuaina o sauniga ina ia mautinoa le fa'aaloalo i aganu'u ma le faigofie ona maua
- **Tagata o Malo Muamua e iai Aafiaga tumau o le soifua**
 - Ta'ita'ia e se tagata su'esu'e Taungurung fa'atasi ma le fesoasoani a tagata su'esu'e Apoliki i le lotoifale
 - Na fesoasoani le First Peoples Disability Network i le fuafuaina o le su'esu'ega.

Gaioiga a Setete ma Itumalo – Uiga o Tagata o le Nu'u

Ua fuafuaina e malo o setete ma teritori a latou lava gaioiga e tali atu ai i mana'oga o nu'u i totonu o lo latou itumalo.

I totonu o lenei lipoti, o malo taitasi o lo'o fa'amatala ai le auala o le a aofia ai tagata e iai aafiaga tumau o le soifua ma le nuu o aafiaga tumau o le soifua i le faatinoina o nei gaioiga.

Niu Sa Uelese (NSW)

Faamatalaga amata

O le NSW Community Attitudes TAP e aofia ai gaioiga tāua e fesoasoani ai i tagata e iai aafiaga tumau i le soifua ina ia lagona le aofia ma auai i le olaga i aso uma. O nei gaioiga e fa'avae i fautuaga a le Disability Royal Commission ma fa'aalia ai mea tāua ua ta'ua e tagata nuu e iai aafiaga tumau i le soifua.

O lo'o ta'ita'ia e le Matagaluega o Faiganuu ma Fa'amasinoga a Niu Sa Uelese (DCJ) le galuega. E latou te fesoasoani i isi matagaluega a le malo o Niu Sa Uelese e fuafua, siaki, ma lipoti a latou gaioiga e ala i le Fuafuaga o Galuega mo le Fa'aofiina o Tagata e iai Aafiaga Tumau i le Soifua.

Ua galulue le DCJ ma le Disability Council NSW, o feso'ota'iga a tagata faigaluega e iai aafiaga tumau i le soifua, ma nu'u o Tagata Muamua. Na latou faia fonotaga ina ia mautinoa o le Fuafuaga Fou mo le Fa'aofiina o Tagata e iai Aafiaga Tumau i le Soifua a Niu Sa Uelese 2026–2031 e aogā lelei.

O le a valaaulia tagata e iai aafiaga tumau i le soifua e fa'asoa a latou aafiaga ma fesoasoani i le saunia o lesoma mo a'oa'oga mo tagata faigaluega a le Malo o Niu Sa Uelese. O le a fesoasoani lenei mea i le afaigaluega e a'oa'o atili i le auala e sili ona lelei e feutagai ma galulue fa'atasi ma tagata e iai aafiaga tumau i le soifua.

O lo'o galulue le NSW Ageing and Disability Commission (ADC) fa'atasi ma le National Centre of Excellence in Intellectual Disability Health i se poloketi su'esu'e. O le sini autū o le fa'aleleia atili o le tausiga fa'afoma'i e puipua ai mo tagata e iai le aafiaga tumau o le mafau. E iai fo'i isi o lo'o auai, o i latou ia:

- Fono a le Niu Sa Uelese mo Aafiaga Tumau o le Mafau
- Down Syndrome Australia
- Central and Eastern Primary Health Network.

O le poloketi o lo'o mana'o e fa'asoa e tagata a latou aafiaga i le fuafuaina o le soifua maloloina ma le tausiga puipua, ma o lo'o talosagaina tagata e iai le fa'aletonu, a latou 'au lagolago, fa'apea fo'i ma foma'i.

Mo nisi faamatalaga e mafai ona maua i le: <https://nceidh.org.au/our-work/projects/improving-preventive-healthcare>.

Tasmania (TAS)

Faamatalaga amata

I le aso 1 o Iulai 2025, na amata ai se tulafono fou e ta'ua o le Disability Rights, Inclusion and Safeguarding Act 2024 i Tasmania. Fai mai le tulafono e faapea:

- E tatau i vaega uma o le Malō o Tasmania ona fuafua ma lipoti i le auala latou te faaafia ai tagata e iai aafiaga tumau i le soifua.
- O le a faia se Fuafuaga mo le Fa'aofiina o Tagata e iai Aafiaga Tumau i le Soifua i Tasmania mo le malō atoa.
- O le a iai fo'i a latou lava fuafuaga o gaioiga i matagaluega ta'itasi a le malō ma pisinisi.

O le fuafuaga muamua atoa o le a lomia i le ogatotonu o le tausaga 2026, ma o le a fa'avae i luga o manatu mai le nu'u.

Se'ia o'o i lenei taimi, o lo'o fa'atino e Tasmania ni gaioiga i le Fuafuaga mo Tagata e iai Aafiaga Tumau i le Soifua 2025–2027. O nei gaioiga o lo'o fa'amoemoe e fesoasoani i tagata e iai aafiaga tumau i le soifua ina ia nonofo i nu'u e afia ai tagata uma, e faigofie ona maua, ma ua fuafuaina lelei.

I le masina o Fepuari 2025, na fa'alauiloa ai e le Matagaluega o le Soifua Maloloina a Tasmania (DoH) se Fuafuaga mo le Disability Health Strategy ma le Action Plan mo le 2024–2025. Na faia nei mea fa'atasi ma fautuaga mai tagata e iai aafiaga tumau i le soifua, aiga ma i latou e tausia, 'au lagolago, tagata faigaluega i le soifua maloloina, fa'alapotopotoga a le malō ma fa'alapotopotoga tumaoti. E silia ma le 230 tagata na auai i le feutaga'iga, ma fa'asoa mea na tutupu ia latou ma manatu.

O le Fuafuaga mo le Soifua Maloloina o Tagata e iai le Aafiaga Tumau o le Soifua o se fuafuaga e fa'aleleia ai auaunaga fa'alesoifua maloloina mo tagata e iai aafiaga tumau i le soifua i Tasmania. E lagolagoina:

- Tagata o so'o se tausaga e iai aafiaga tumau i le soifua
- Tagata o lo'o fa'aaogaina auaunaga fa'alesoifua maloloina lautele
- Tagata e iai aafiaga tumau o lo'o faigaluega i le soifua maloloina

O le a fa'atinoina le Fuafuaga mo le Soifua Maloloina o Tagata e iai Aafiaga Tumau i le Soifua e ala i se fa'asologa o fuafuaga o gaioiga e fa'amatala ai le tele o gaioiga e tusa ai ma vaega tāua ua fa'amuumua. O vaega e faamuumua e aofia ai le lelei, avanoa, faia o fa'ai'uga, aufaigaluega ma fa'amatalaga. O le a lipotia le alualu i luma i tausaga ta'itasi. O lo'o fa'atūina se vaega e pulea ina ia mata'ituina le galuega. O le a aofia ai i lenei vaega tagata e iai aafiaga tumau i le soifua, a latou aiga, ma i latou e tausi.

Kuiniselani (QLD)

Faamatalaga amata

I tausaga ta'itasi, e galulue fa'atasi le Matagaluega a le Malo o Kuiniselani mo Aiga, Tagata Matutua, Auaunaga mo Tagata e iai Aafiaga Tumau i le Soifua ma le Saogalemu o Tamaiti ma le Queenslanders with Disability Network (QDN) fa'apea ma le lunivesite o Griffith.

O lo'o latou fa'atautaia fa'atasi le su'esu'ega e ta'ua o le Voice of Queenslanders with Disability. O lenei su'esu'ega e fesili i:

- Tagata e iai aafiaga tumau i le soifua
- O latou aiga ma ē e tausia i latou
- Fa'alapotopotoga e lagolagoina i latou

E fesoasoani le su'esu'ega e iloa ai fa'afitauli o lo'o feagai ai tagata ma le auala o lo'o suia ai mea i le aluga o taimi. E fesoasoani lea e fausia fuafuaga ma polokalame a le malō. Na faia le su'esu'ega i le 2025 mai le aso 12 o Mati se'ia o'o i le aso 30 o Aperila 2025, ma o le a fa'asoa atu i luga o le initaneti i se taimi mulimuli ane i le tausaga.

O le avanoa ma le aofia ai o ni mea tāua i lalo o le Fuafuaga o le Tu'ufa'atasiga mo le Olimipeka ma Paralympic Brisbane 2032 a Kuiniselani. E taula'i i:

- Ia avea ta'alogā ma mea e mafai ona auai ai tagata e iai aafiaga tumau i le soifua
- Fa'aleleia le manatu o le nu'u i tagata e iai aafiaga tumau i le soifua.

O le a fa'alauiloa se fuafuaga fou mo faatufugaga a Arts Queensland i le ogatotonu o le tausaga 2025. O le a lagolagoina ai tagata matamata, tusiata ma tagata faigaluega i faatufugaga e iai aafiaga tumau i le soifua. O le fuafuaga e fa'avae i luga o fautuaga fa'aauau mai tusiata e le mafai ona fa'alogō ma tusiata e iai aafiaga tumau i le soifua, fa'apea fo'i ma le nu'u lautele o faatufugaga.

Ausetalia i Saute (AS)

Faamatalaga amata

E fia fa'aleleia e le Malō o Saute Ausetalia le auala e mafaufau ai tagata i aafiaga tumau i le soifua ma ia fa'atupuina ai nu'u e faifai mea faatasi. O lenei galuega o lo'o ta'ita'ia e le Matagaluega o Auaunaga a Tagata (DHS), le Ofisa o le Komesina mo Galuega a le Malō (OCPSE), le Ofisa mo le Autism ma fa'alapotopotoga faalenu'u.

O lo'o fa'atautaia e le DHS se faalauiloa e:

- A'oa'o tagata e uiga i le matafaioi a maile ta'iala ma manu fesoasoani

- Fesoasoani i tagata ia malamalama i a latou aiā tataua fa'aletulafono i lalo o le Tulafono o le Fa'ailoga Tagata ia latou e iai Aafiaga Tumau i le Soifua
- Lagolago tagata o lo'o fa'aaogaina manu fesoasoani ina ia mafai ona ola tuto'atasi atili.

Na fautuaina lenei faalauiloa e le Komiti o Fautuaga a le Minisita o Aafiaga Tumau i le Soifua a Ausetalia i Saute (DMAC), o se vaega o tagata e iai le poto masani i le olaga ma aafiaga tumau i le soifua. O le a fa'aaauau pea e le DHS ona galulue fa'atasi ma le DMAC ma isi vaega e fuafua ma fa'asoa fe'au.

O lo'o fa'atautaia le Polokalame Pailate o Inklings, lea e ta'ita'ia e le Ofisa mo le Autism, i le tele o nofoaga i Ausetalia i Saute. E fesoasoani lea i aiga ia malamalama ma fa'amanatu le eseese o le fai'ai (neurodiversity) talu mai le laitiiti. Sa aofia ai fonotaga a le nu'u ma manatu mai nu'u o tagata e iai aafiaga tumau i le soifua, nu'u o tagata Autism ma tagata e maua i le autism.

Ua amata le isi polokalame, o le Pailate Autism Inclusion i A'oga Maua (AISS). E fa'avae lenei polokalame i luga o le fuafuaga Autism Inclusion Teachers. Na faia lenei polokalame ona o fautuaga mai le nu'u ma o lona sini ia fesoasoani i tamaiti a'oga e iai le autism ina ia faigofie ona fetu'una'i i le va o a'oga eseese.

Ausetalia i Sisifo (WA)

Faamatalaga amata

O le Fuafuaga a le Setete o WA mo Aafiaga Tumau i le Soifua e fa'ailoa ai le tāua o le va'aia, fa'alogoina, ma le aofia ai o tagata e iai aafiaga tumau i le soifua i tulaga ta'ita'i. E fesoasoani lenei mea e suia ai le auala e mafau fau ai le nu'u e uiga i aafiaga tumau i le soifua.

O lo'o fa'atautaia e le Leadership WA, fa'atasi ai ma le fesoasoani a le Malo o WA, ni vasega e lua o le LeadAbility i tausaga ta'itasi. O nei a'oa'oga e fesoasoani i tagata e iai aafiaga tumau i le soifua ma tagata o loo galulue i le vaega o aafiaga tumau i le soifua e a'oa'o tomai faata'ita'i. E masani ona toe fa'afouina nei polokalame e ala i manatu faaalai mai i tagata auai. E mafai e i latou ua faauu ona auai i le Community of Practice, o se vaega e ofoina atu le lagolago, a'oa'oga, ma feso'ota'iga.

E tolu pisinisi o le Australian Disability Enterprises (ADEs) na maua le fesoasoani tau tupe e fesoasoani ai i tagata e iai aafiaga tumau i le soifua i itulagi mamao e saili ni galuega. O nei poloketi e fesoasoani i tagata e seti sini mo galuega ma sauniuni mo galuega. E a'oa'oina fo'i i latou e ona pisinisi pe faapefea ona lagolago ma faafaigaluega tagata e iai aafiaga tumau i le soifua.

O le Matagaluega o A'oa'oga o lo'o faalauteleina se polokalame e fesoasoani i a'oga e lagolago ai tamaiti a'oga e iai amioga faigata. I le tausaga e 2025, o le a iai se Complex Behaviour Support Coordinator i a'oga lautele e 192. E galulue le au faatonu ma ta'ita'i o a'oga faapea le aufaigaluega e atia'e ni lagolago feso'ota'i e mafai ona faamalieina manaoga o tamaiti a'oga uma, e aofia ai ma i latou e iai aafiaga tumau i le soifua. O le a filifilia e a'oga ta'itasi auala e sili ona fetui ma manaoga o a latou tamaiti a'oga ma le nu'u a'oga.

Teritori i Matū (NT)

Faamatalaga amata

O lo'o galulue le Northern Territory Public Sector (NTPS) ina ia mautinoa e mafai e le aufaigaluega ona lagolago tagata e iai aafiaga tumau i le soifua ma le mautinoa ma le faaalalo. O lo'o latou faia se lisi a le malo atoa o tagata e tu'uina atu auaunaga e aofia ai le faaliliu Auslan, tusiga ola (live captioning), tekonolosi fesoasoani, ma auaunaga fesoootaiga e faigofie ona maua.

O le a faigofie ai mo matagaluega a le malo ona maua le lagolago e mana'omia ma faaleleia le avanoa mo tagata e iai aafiaga tumau i le soifua. O lenei galuega e lagolagoina fuafuaga autū e lua:

- NTPS EmployAbility Strategy 2024–2027
- NT Disability Strategy 2022–2032

O le sini o le faafaigofieina o nofoaga faigaluega ina ia faigofie ona maua ma ia mautinoa o lo'o avanoa suiga talafeagai mo tagata faigaluega e iai aafiaga tumau i le soifua. O lo'o su'esu'e fo'i le Malo o le Teritori i Matū i le fa'atūina o se tusifolau mo suiga i nofoaga faigaluega. O lenei tusifolau o le a fesoasoani i tagata faigaluega e iai aafiaga tumau i le soifua e faailoa atu i pule le lagolago e mana'omia. O lenei tusifolau e fuafua e mulimuli atu i le tagata faigaluega pe a siitia i se galuega fou po o le maua o se pule fou.

O le Fuafuaga NTPS EmployAbility e aofia ai fo'i:

- Avanoa sili atu i tekonoosi fesoasoani ma meafaigaluega e aofia ai tagata uma i nofoaga faigaluega
- O se polokalame faapitoa mo le faafaileleina o ta'ita'i i le OneNTG
- Lagolago mo polokalame o galuega mo tagata e iai aafiaga tumau i le soifua, polokalame faauu, ma polokalame a'oa'o
- O le a siakiina le alualu i luma e ala i le People Matter Survey 2025.

Teritori o le Taulaga o Ausetalia (ACT)

Faamatalaga amata

O lo'o galulue le Malo o le ACT fa'atasi ma tagata e iai aafiaga tumau o le soifua e fa'aleleia ai faiga fa'apolokiki, faiga fa'avae, ma auaunaga e a'afia ai o latou olaga. O lenei galuega e lagolagoina e le Tulafono o le Fa'aofiina o Tagata e iai Aafiaga Tumau i le Soifua 2024, lea e fa'ata'atia ai tulafono manino mo le fa'aleleia o tulaga. E mana'omia e le Tulafono:

- Ina ia fa'atūina se Fono Fauautua mo Tagata e iai Aafiaga Tumau o le Soifua e tu'uina atu fautuaga i le Minisita i mataupu e a'afia ai tagata e iai aafiaga tumau o le soifua.
- E tatau i fa'alapotopotoga uma a le Malo o le ACT ona faia Fuafuaga mo le Fa'aofi o Tagata e iai Aafiaga Tumau o le Soifua. E tatau ona faia nei fuafuaga ma le sao mai o tagata e iai le aafiaga tumau o le soifua, aiga ma tagata tausī, fa'alapotopotoga o tagata e iai aafiaga tumau o le soifua, fa'apea ma vaega e finau mo a latou aia tatau.

O Fa'ailoga o le Fa'aofiina a le Palemia a le Malo o le ACT e faia i tausaga ta'itasi. O nei fa'ailoga e fa'alatele ai uiga fa'aofi ma fa'amoemoe e fa'aititia le fa'ailoga tagata ma le fa'aituau. O nei fa'ailoga e fa'amanatuina ai:

- Tagata e iai aafiaga tumau i le soifua o lo'o avea ma ta'ita'i i totonu o le nu'u
- Tagata ta'ito'atasi, pisinisi, ma faalapotopotoga o lo'o galulue fa'atasi ma tagata e iai aafiaga tumau i le soifua e fausia ai se ACT e sili atu ona faigofie ona maua ma aofia ai tagata uma.

E fesoasoani fo'i le Malo o le ACT i le fa'atupeina o fesoasoani mo le aofia ai o tagata e iai aafiaga tumau i le soifua. O nei fesoasoani e fa'atupe ai gaioiga e aveese ai fa'alavelave i le avanoa ma le aofia ai, ma fesoasoani atili i tagata e iai aafiaga tumau i le soifua ina ia mafai ona auai i le olaga o le nu'u:

- E avanoa fesoasoani e oo atu i le \$20,000 mo kalapu fa'apitonu'u, vaega, fa'alapotopotoga a le nu'u, ma pisinisi laiti.
- O tagata e iai aafiaga tumau i le soifua e iloilo talosaga ma fa'atulaga sa'o gaioiga o fesoasoani.
- I le 2025, e 13 poloketi na maua le aofaiga \$159,000 (e le aofia ai le GST).